



"BIZNES CENTR SAMARQAND" АЖ
қўшма корхона рахбариятига

"BIZNES CENTR SAMARQAND" АЖ қўшма корхонанинг 2021 йил
учун тузилган молиявий ҳисоботини аудиторлик текширувидан
ўтказиш натижаларига кўра мустақил
АУДИТОР ХУЛОСАСИ

Фикр

Биз корхонанинг ўз ичига қуйидагиларни оловчи молиявий ҳисоботи аудитини ўтказдик:

- * 2021 йил 31 декабрь ҳолатига бўлган Бухгалтерия баланси;
- * кўрсатилган санада тугаган йил учун тузилган Молиявий натижалар тўғрисидаги ҳисобот;
- * ҳисоб сиёсати аҳамиятли қоидаларининг қисқача тавсифи ва бошқа изоҳловчи маълумотлар.

Бизнинг фикримизча, илова қилинган молиявий ҳисоботлар "BIZNES CENTR SAMARQAND" АЖ ҚКнинг 2021 йил 31 декабрь санасига бўлган молиявий ҳолатини, кўрсатилган санада тугаган йил мобайнидаги унинг молиявий натижаларини барча муҳим жиҳатларда Бухгалтерия ҳисобининг миллий стандартлари (БХМС)га мувофиқ ҳаққоний акс эттиради.

Фикр билдириш учун асос

Биз аудитни Аудитнинг Халқаро Стандартларига мувофиқ ўтказдик. Ушбу стандартлар молиявий ҳисоботлар жиддий бузиб кўрсатишларга эга эмаслигига етарли даражадаги ишончга эга бўлишни таъминловчи аудиторлик текширувини режалаштиришни ва ўтказишни тақозо этади.

Мазкур стандартларга кўра бизнинг мажбуриятларимиз "Молиявий ҳисобот аудити учун аудиторнинг масъулияти" номли бўлимда баён қилинган.

Биз аудит жараёнида олган аудиторлик далилларини ўз фикримизни билдиришда асос сифатида таяниш учун етарли деб ҳисоблаймиз.

Мустақиллик

Биз аудит қилинаётган корхонага нисбатан бухгалтерлар учун ахлоқ стандартлари бўйича Халқаро Кенгаш томонидан профессионал бухгалтерлар учун ишлаб чиқилган Ахлоқ кодексига мувофиқ ва "BIZNES CENTR SAMARQAND" АЖ ҚКнинг молиявий ҳисоботлари аудити бўйича ахлоқий талабларга нисбатан мустақил ҳисобланамиз ва мазкур талаблар ҳамда Ахлоқ кодексига тегишли бошқа мажбуриятларни бажардик.

Мухимлик

Ўтказилган аудиторлик текширувини кўламини аниқлашга муҳимлик даражасини кўллаш ўз таъсирини кўрсатган. Аудит текшириладиган молиявий ҳисобот муҳим бузиб кўрсатишларга эга эмаслиги юзасидан оқилона ишонч ҳосил қилишга йўналтирилган.

Мухим бузиб кўрсатишлар корхона ходимларининг фаолият давомида амалга оширилган ноқонуний ҳаракатлари ва хатоликлари натижасида юзага келиши мумкин.

Мухимлик даражасини аниқлашда биз халқаро амалиётда қўлланиладиган услубиётга



асосланган ва аудитор ҳисоботида илова қилинган ҳисоб китобни амалга оширдик ва корхонанинг 2021 йил учун аудиторлик текшируви жараёнида тузатилган молиявий ҳисоботлари бўйича унинг даражасини корхона активларига нисбатан 0,1 % миқдорида ёки умумий тарзда 32 826,3 минг ўзбек сўми миқдорида белгиладик. Аудиторлик rischi даражасини барча солиқ тўловлари суммасига нисбатан 5 % миқдорида белгиладик.

Аудитнинг муҳим саволлари

Аудитнинг муҳим саволлари - булар бизнинг профессионал мулоҳазамизга кўра жорий даврлар учун тузилган молиявий ҳисоботлар бўйича муҳим аҳамиятга эга бўлган саволлардир. Мазкур йуналишда биз эътиборимизни корхонанинг активлари, мажбуриятлари, хусусий капитали, даромадлари, харажатлари, солиқ тўловлари, соф фойдаси ва унинг ишлатилишини ўрганишга қаратдик ва аудитор ҳисоботида бу борада ўз фикримизни билдирдик.

Бошқа ахборот

Аудитни ўтказиш жараёнида текширилган молиявий ҳисоботлар ўртасида муҳим зиддиятлар бор йўқлигини аниқлаш ва корхонада конунчиликка риоя қилинишини ўрганиш мақсадида бошқа молиявий ҳамда номолиявий маълумотлар билан танишиб чиқилди ва улар билан молиявий ҳисобот кўрсаткичлари ўртасида муҳим зиддиятлар мавжуд эмаслигига ишонч ҳосил қилинди.

Бу борада корхона раҳбариятига молиявий ҳисобот шаклларида бўлган корхона баланси маълумотларини фойдалиликни янада ошириш ва уни расмийлаштириш борасидаги маълум талабларни тўлиқ бажариш учун унинг тегишли сатрида ҳисобот даврининг боши ва охирига мавжуд бўлган муддати утган дебиторлик қарзлари тўғрисидаги маълумотларни акс эттирилиши лозимлиги таъкидланди.

Корхона фаолиятини бошқариш ва молиявий ҳисобот учун раҳбар шахсларнинг масъулияти

Корхона раҳбарияти мазкур молиявий ҳисоботни Бухгалтерия ҳисобининг миллий стандартларига мувофиқ тайёрлаш ва ҳаққоний тақдим этиш, шунингдек фирибгарлик ёки хато туфайли юзага келган муҳим бузиб кўрсатишлардан холи молиявий ҳисоботларни тайёрлаш учун зарур деб ҳисоблайдиган ички назорат тизимини таъминлаш учун жавобгар бўлади.

Бошқарув юклатилган шахслар молиявий ҳисоботни тузиш жараёнида корхона яқин келажақда ўз фаолиятини узлуксиз давом эттира олиши қобилиятини баҳолаши, тегишли ҳолатларда узлуксиз фаолиятга тегишли маълумотларни очиб бериши учун масъул ҳисобланадилар.

Бунда корхонани тугатиш, унинг фаолиятини тўхтатиш ёки бу ҳаракатларни амалга оширмасликнинг бошқача ечими топа олмаган ҳолатлар бундан мустасно деб биламиз.

Молиявий ҳисобот аудити учун аудиторнинг масъулияти

Бизнинг мақсадимиз аудит қилинаётган молиявий ҳисобот ножўя ҳаракатлар ва хатолар таъсиридаги муҳим бузиб кўрсатишлардан холи эканлигига оқилона ишонч ҳосил қилиш ва ўз фикримиз баён этилган аудиторлик ҳулосасини эълон қилишдан иборат.

Оқилона ишонч ишончининг юқори даражаси бўлсада, АХСларига мувофиқ ўтказилган аудит молиявий ҳисоботда мавжуд бўлган муҳим бузиб кўрсатишларни барчасини аниқлаш имконини бермайди.

Бузиб кўрсатишлар алоҳида ёки жамлама ҳолда мазкур молиявий ҳисобот асосида фойдаланувчиларни иқтисодий қарор қабул қилишларига таъсир кўрсатса ножўя ҳаракатлар натижаси деб қаралади ва муҳим бўлиб ҳисобланади.

Аудиторлик текширувини ўтказишнинг барча жараёнларида биз АХС га мувофиқ профессионал мулоҳазани қўллаган ва профессионал скептицизмни сақлаган ҳолда ҳаракат қилдик.

Аудиторлик текшируви жараёнида биз қуйидагиларни бажардик:

- корхона масъул шахсларининг номақбул ҳаракатлари ва хатолари таъсирида молиявий ҳисоботда бузиб кўрсатишларнинг мавжудлиги rischi даражаси аниқланди;
- аудит таомилларини белгилаш мақсадида корхонадаги ички назорат тизимини тўғрисида тушунчага эга бўлинди;
- корхона фаолиятини узлуксизлиги борасидаги раҳбар шахсларнинг баҳоларининг



хақиқатга мос келишлиги тўғрисида хулоса қилинди;

- текширилаётган молиявий ҳисобот бўйича фикр билдириш учун етарли аудиторлик далилларини йигилганлигининг даражаси ўрганилди.

- молиявий ҳисобот, унинг таркиби ва мазмуни тўғрисида олинган маълумотларга умумий баҳо берилди ҳамда унинг ҳаққоний тақдим қилинганлик даражасига фикр билдирилди.

Бундан ташқари аудиторлик ёзма ахборотида корхона раҳбариятига корхонадаги мавжуд ҳисоб ва назорат тизимини янада такомиллаштириш борасидаги фикрларимизни баён қилдик ва корхона молиявий ҳолати таҳлили бўйича амалга оширган ҳисоб китобларимизни тақдим этдик.

Баймурадов Х.В.

Директор, Аудитор,

Малака сертификати № 05405,

Амал қилиш муддати:муддатсиз даврга.

Уразов К.Б.

Аудитор

Малака сертификати № 04331

Амал қилиш муддати: муддатсиз даврга

Аудиторлик ташкилотининг манзили:

141100, Самарқанд шаҳри,

Кўксарой майдони 1 уй

Аудиторлик ташкилоти 1998 йил йил 30 июлда

513-сон билан давлат рўйхатидан ўтган. Ўзбекистон

Республикаси Молия Вазирлиги томонидан 2019 йил 9

апрелда янгиланган 00796 - сонли лицензияга эга.



Хулоса тузилган сана:

2022 йил 30 апрель

№ К6-1